

Tidak boleh lagi bertahan dengan defisit tinggi - PM

oleh TUAN BUQHAIRAH TUAN MUHAMAD ADNAN

08 Februari 2023 04:21pm

PUTRAJAYA - Negara tidak lagi boleh bertahan dengan defisit yang tinggi kata Perdana Menteri, Datuk Seri Anwar Ibrahim.

Menurutnya, beberapa strategi diambil dalam Bajet 2023 yang bakal dibentangkan tidak lama lagi.

"Angka awal Bajet 2024 telah dibentangkan kepada jemaah menteri dalam mesyuarat hari ini," katanya menerusi sidang akhbar selepas mempergerusikan mesyuarat kabinet di sini pada Rabu.

Menurutnya, pengurangan peruntukan dalam Bajet 2023 tidak akan membebankan pembangunan negara.

"Saya telah mendapat beberapa cadangan balas yang dikemukakan oleh ahli jemaah menteri," katanya.

Dewan Rakyat dijadual bersidang selama 29 hari bermula 13 Februari depan manakala Bajet 2023 pula akan dibentangkan semula pada 24 Februari.